

中央研究院近代史研究所專刊(89)

郭嵩燾先生年譜

補正及補遺

陸寶千 著



中央研究院近代史研究所 專刊(89)

郭嵩燾先生年譜補正及補遺

陸寶千 著

中央研究院近代史研究所

國家圖書館出版品預行編目資料

郭嵩燾先生年譜補正及補遺 / 陸寶千著. --初
版. --臺北市：中研院近代史所，民94
面；公分. --（中央研究院近代史研究
所專刊；89）

ISBN 986-00-2484-7（平裝）

1.（清）郭嵩燾—年表

782.978

94019697

中央研究院近代史研究所專刊(89)

郭嵩燾先生年譜補正及補遺

著者／陸寶千

出版者／中央研究院近代史研究所

發行者／中央研究院近代史研究所

臺北市南港區研究院路2段130號

電話：(02)2782-4166

劃撥帳號／1034172-5

戶名／中央研究院近代史研究所

訂購處／中央研究院近代史研究所發行室

印刷／久裕印刷事業股份有限公司

臺北縣五股鄉五權路69號

電話／(02)2299-2060

初版／中華民國94年10月

定價／新臺幣250元

版權所有・翻印必究

ISBN 986-00-2484-7（平裝） GPN 1009403148

例 言

- 一、本書為對郭量宇先生編定之《郭嵩燾年譜》加以補正及補遺而作。全書悉取材於湖南人民出版社發行之《郭嵩燾日記》，故每日所繫事件毋需再加附註。
- 二、所謂補正者，前譜當撰述時限於史料，於譜主之事蹟有不明或誤繫者，今皆依日記所載補改。
- 三、所謂補遺者，本書於譜主之日記中，大致選取下列幾種記述：
 - (一)有關政情及譜主政見者。
 - (二)有關譜主與西方文物之接觸及反應者。
 - (三)若干行事足以顯示譜主性格者。
- 四、《郭嵩燾日記》起自咸豐五年，該年以前之事蹟，皆自原譜中剪取綱要，俾全書首尾完整。

陸寶千 謹識

《郭嵩燾日記》初出，即蒙香港黎志剛先生郵贈，無黎君之助，本書不能完成，特此致謝。

先 世

先生湖南湘陰人，姓郭氏，乳名齡兒，學名先杞，後改嵩燾，字伯琛，號筠仙，或作雲仙、筠軒、仁先。以嘗避亂居縣東玉池山，因別署玉池山農，晚更號玉池老人，築室曰養知書屋，學者又稱養知先生。

先生上世系出南唐廣國公暉，暉爲子儀六世孫，時已遷吉州（江西吉安）。有分居贛州信豐者，元季避亂徙廣東保昌（南雄）。明萬曆間（1573-1620），有姚山者，遷湖南湘陰。四傳至應魁。應魁生遇賢、遇豪、遇傑。遇傑即先生高祖，生熊、熙、純、元。熊字夢兼，晚自號望湖，貢生，有子六，曰：世遴、世遵、世暹、誠世、諄世、詮世。詮世字括矩，又字吉皆，縣學優行生，生家嗽、家彪、家蓮、家彬；以兄世遵無子，使家嗽爲之嗣；家嗽早卒，又以家彪嗣焉。家彪字春坊，即先生之父。

先生曾祖望湖君，善居積，富甲一邑，歲嘗施貸於人，逾年一會計之，不刻期，不責息。子弟疑其過弛，則曰：「緩急所時有，吾以有餘應人之緩急而取償焉，幸矣，何多責乎」？

祖括矩君，性豪，然諾一語，千金不惜，人以乏告，必有以應。縣令某貸重金而死，其家請以兩美婢償，卻而焚其券。

父春坊君，溫約夷愉，與人無競，不苟爲和翕，亦不爲介介踈異之行。善解紛，務濟人，親故假貸，每如其意，無則爲人任貸他家，數數代償其負，雖家道中圯，不顧也。益講治方書，廣儲方藥，以施病者。著有守遇齋詩。妻張氏，永州府學訓導優貢生長沙張鵬振女，恭以事嚴姑，卑以承姒婦，蹙縮衣食，資其子讀書；亦常濟親族之用，下至僕婢，撫之盡恩。蓋郭氏自先生曾祖以來，皆以義行聞。

清仁宗嘉慶二十三年戊寅（一八一八） 一歲

三月

初七日，先生生於湖南湘陰縣城西本宅。

嘉慶二十四年己卯（一八一九） 二歲

十一月

祖母張太安人卒。

7

宣宗道光三年癸未（一八二三） 六歲

正月

仲弟崑燾生。

崑燾初名先梓，字仲毅，號意城，或作意誠，翊臣，翌臣，翌丞，逸臣，晚自號樗叟。

道光七年丁亥（一八二七） 十歲

十月

十五日，叔弟崙燾生。

崙燾，字叔和，號志城，又作志臣，蟄存。

道光九年己丑（一八二九） 十二歲

是年

從學於李選臣。

道光十一年辛卯（一八三一） 十四歲

(一)是年從學於伯父家瑞（雲舫）。

(二)是年起，湘陰連逢大潦，田租無所出，先生家往往不能舉餐。

道光十五年乙未（一八三五） 十八歲

(一)讀書於湘陰仰高書院。

與弟崑燾同補博士弟子員。

(二)夫人陳隆瑞來歸。

夫人生於嘉慶二十四年二月十五日（一八一九、三、十），時年十七歲，同邑陳興塏先生女也。陳、郭兩家相距數武，世相婚媾。先生幼時，興塏見其文，以爲大器，以女字之，長於隆瑞。己而女卒，更爲隆瑞受幣。先生婚後苦貧，歲暮，責負者至，家人相聚愁嘆，隆瑞視之怡然。

(三)季弟先樾生。

道光十六年丙申（一八三六） 十九歲

(一)讀書於長沙嶽麓書院。

(二)與劉蓉、曾國藩訂交。

先生云：「三人僦居公棧，盛數月之懽，怳怳然覺理解之漸見圓融，而神識之日增揚詔矣」。

道光十七年丁酉（一八三七） 二十歲

八月

中式第二十四名舉人。

按：鄉試三場，分於八月初九、十二、十五日舉行，八月底或九月初放榜。是科同榜有黃倬（恕階）、趙煥聯（玉班）、陳源寬（岱雲）、江忠源（岷樵）、歐陽兆熊（曉岑）、陳星煥（文泉）、趙璘（振卿）、吳英樾（西喬）、鄒孔搢（公讓）等，後俱有名於時。

十月

偕甯鄉趙璘赴京師。

道光十八年戊戌（一八三八） 二十一歲

三月

會試報罷。

是科曾國藩中三甲第三十八名進士。（按：會試三場例於三月初九、十二、十五日舉行，四月發榜。）先生既不售，即暫寓京師，識善化勞崇光（辛階）、湘鄉彭洋中（曉航）、武岡鄧瑤（伯昭）、善化孫鼎臣（芝房）、長沙周壽昌（荇農）及湖北興國陳光亨（秋門）等。

八月

與曾國藩、凌玉垣南歸。

是年

季弟先樾殤，年四歲。

道光十九年己亥（一八三九） 二十二歲

十一月

隨曾國藩北上，再赴京師。

道光二十年庚子（一八四〇） 二十三歲

正月

十二日，自羅山經周家口抵開封，北入京師。

三月

二次會試，復報罷。

九月

應新授浙江學政羅文俊聘，出京赴浙江。

道光十九年，中英因林則徐在粵禁煙起釁，本年六月，英軍北陷定海，海疆戒嚴。七月，詔以劉韻珂爲浙江巡撫，並授兩江總督伊里布爲欽差大臣，赴浙查辦。英艦旋逼大沽，直隸總督琦善好言相撫，八月，返棹南去。先生夙懷壯志，時客京師，鑒於時勢日匪，思得一當，此應爲浙行之原因。